

# UMNO perlu meneruskan sifat kesederhanaan — Dr. M

Berita dan gambar2 sekitar Sidang Pemuda dan Wanita lihat muka 2,3,4,5,7,13 dan 24

# AMALAN RIAK DISELAR

LAPORAN SIDANG PEMUDA DAN WANITA OLEH: MOHD. NUR SHAMSUDDIN, MAHMUD HASSAN, ABDULLAH HASSAN, KHALID MOHD, SHAHRON SALLEH, FATKHI ABDULLAH DAN SAFIAH SALIM KAJAL.

**K**UALA LUMPUR 14 Sept. — Timbalan Perdana Menteri, Datuk Sri Dr. Mahathir Mohamad hari ini memberi amaran terhadap bahaya perpecahan di kalangan orang Melayu dan agama Islam dari 'perbuatan riak' oleh kumpulan-kumpulan yang merendah-rendahkan ajaran Islam orang lain.

Beliau juga membidas kumpulan-kumpulan yang menunjukkan keistimewaan dan kekuatan dakwah yang sudah sampai ke pering-

kat menafikan ajaran Quran sebaliknya mengutamakan firman, hadis dan sunnah yang ditafsirkan mereka sendiri.

"Dengan ini timbullah kumpulan-kumpulan yang ingin mencapai jalan yang mudah ke syurga dengan melakukan perbuatan jenayah di tengah malam," katanya.

Berucap merasmikan serentak perhimpunan agung Wanita dan Pemuda UMNO yang ke-27 di Balai Budaya, Dewan Bahasa dan Pustaka pagi ini, Datuk Sri Dr. Mahathir selaku Naib Presiden UMNO juga menyebut perkara-perkara berikut:

- UMNO perlu meneruskan sifat kesederhanaan (moderate) dan

para pemimpin baru parti mesti memahami hakikat ini.

"Kesederhanaan yang menjadi asas kepada perjuangan UMNO bukan bermakna membelakangkan kepentingan kaum kita. Kesederhanaan ini adalah kesederhanaan yang pragmatis," katanya.

Beliau berkata, kesederhanaan dan kesanggupan bekerjasama dengan parti-parti lain asalkan tidak menjejaskan hasrat perjuangan UMNO, adalah di antara strategi UMNO yang membawa kemenangan kepadanya sejak tahun 1951.

Kesederhanaan UMNO bukan disebabkan oleh kurang keberanian, tetapi berasas kepada perhitungan yang waras yang tidak dikongkong oleh perasaan dan nafsu.

"Tetapi kita dapati pemimpin yang baru, yang mungkin tidak tahu sejarah UMNO, asas perjuangan UMNO dan, tambahan pula terdiri dari golongan muda mungkin tidak begitu

tertarik dengan kesederhanaan, mungkin lebih mudah dipengaruhi oleh cabaran dan godaan yang dibuat oleh musuh kita," tambahnya.

- Pemindahan kuasa dari golongan tua kepada golongan muda dalam UMNO perlu disusun dari sekarang dan ini penting untuk perjuangan dan pengkalan UMNO.

- Rebutan ala coup tidak harus berlaku kerana coup melahirkan coup. Mereka yang menggunakan cara ini akan digulingkan dengan cara itu juga dan cara ini tidak stabil.

Timbalan Perdana Menteri menarik perhatian kepada wujudnya golongan yang menafsirkan ajaran Islam sesuka hati di negara ini.

"Sebaliknya mereka suka kononnya mengikut sunnah nabi dengan menggunakan pakaian seragam yang membeza dan mengasingkan mereka dari orang Islam lain," katanya.